

唐十二家詩集

子 儲光義

三	三	三	漢書門
八	八	八	
九	九	九	
二	三	八	類
冊	架	函	號

三	三
九	八
二	一
〇	二
九	九

內閣文庫		
番號	漢	3809
冊數	12	(1)
函號	319	142

319-142
1-6



三百篇之後詩盛中唐十二家以來名
垂昭代丰骨雄秀音韻恬夷顧作詩者
例有短長而考古者喜觀優劣人立一
家詩分其類校閱于宮詹朱太史闡前
嫩以啟後裔刊行于白下車書樓勵幼
學而作詩翁款擅吟名無踰斯集

繡谷養恬王世茂謹識


世茂

鐫中唐十

蘭馮朱太史校

二家詩集

全唐名家詩集總叙



以詩為進取之羔雉士彈
竭精神以希一遇宜其工到
非後人可及乃才力授之自天
終非人力所能矯強求其卓
越不羣自成一家言良不易

得傳于世者久而益湮真可痛
惜自品彙正聲唐音唐雅諸
選集成編者盛行當時而李
杜元白王孟高岑諸大家之
外率罕見其端刻尤為藝林
缺典茲搜輯諸家積有歲月

得中晚十二家一部廿六家一部
俱刻有成書特加增正還其
舊觀此外藏書之家多有
抄本不敢自秘合授梓人庶乎
一代人文三百年精神會合昭
然若掌指眉列而不患其散

軼難收汗漫無統也且不忍獨
抒管見妄為去取亦見尺長寸
短可備取裁合抱干霄各成
材品千載之下誦之如見其人
一編之間及後可論其世雜博
而寡要未免貽譏乃該以旁通

見聞可廣信全唐之盛事今
時之偉觀者矣隨所得之後
先接續傳布海內同志當共
搜羅以免挂漏予竊重有望
焉幸勿迂視此舉也

時

萬曆壬子孟夏之吉

金陵蘭嶠山人之著書



刻中唐十二家詩小序

是集刻本傳世甚少且以儲
孫生盛唐而誤入中唐亦未之
鑒正近又見劉賓客別有外
集當時採摭亦屬未備予安
謂前人苦心搜輯頗艱今當

仍其舊貫加以補苴便可更
傳百年因先授梓人庶不沒
前人之善而次第旁及諸家
先以公之海內具眼者信為
藝林一快事云耳

金陵朱之蕃書



刻中晚唐詩名公姓氏

儲光義 獨孤及 劉長卿 錢起 盧綸

孫逖 崔峒 劉禹錫 張籍 王建

賈島 李商隱

以上係中唐十二家舊板久燬內劉禹錫別有外
集十卷今并增入

孟郊 鄭谷 許渾 姚合 杜牧

薛能 李中 吳融 羅隱 李頻

許棠 杜荀鶴

以上係中晚名家單集抄本居多陸續搜訪恐致遺佚并梓以公同好尚有後得者不拘時代漸次增補以成一代風雅之大觀海內大方藏書博雅想同此志不吝見示尤慰至願

時

萬曆庚戌孟夏之吉

金陵蘭岫朱之蕃識

中唐詩人姓氏

儲光羲

魯國人又云潤州人天寶末為監察御史坐祿山偽官貶死按唐書兗州人開元十四年進士又詔中書試文章歷御史祿山反陷賊自歸有集七十八

獨孤及

字至之河南人為兒時嘗讀孝經父試之曰兒志何語對曰立身行道揚名於後世父奇

姓
卷一
之天寶末以有道舉高第終司封郎中常州刺史甘露降其庭而卒有毘陵集二十卷

劉長卿

字文房河間人開元二十一年進士至德中為監察御史以檢校祠部員外郎為轉運使判官知淮西鄂岳轉運留後鄂岳觀察使吳仲儒誣奏貶播州南巴尉會有為辨之者除睦州司馬終隨州刺史卒有集傳于世十一卷

錢起

字仲文吳興人天寶十年及第授秘書郎於考功郎中大曆中與郎士元俱以詩名倡士林為之語曰前有沈宋後有錢郎時公卿出牧奉使二人無詩祖行人以為耻有集十卷

盧綸

字允言河中人天寶亂客番陽大曆初舉進士不第元載取其文以補闕鄉尉遷監察御

史輒稱疾去累遷檢校戶部郎中嘗朝京師
是時綸舅韋渠牟幸德宗表其才召見禁中
帝有所作輒使賡和時與韓翃等十人皆有
詩名號大曆十才子卒有集十卷行于世文
宗尤愛其詩遣中人悉索其家笥得五百篇
孫逖

博州人屬思警敏年十五見崔日用令賦土
火爐援筆成篇里趣不凡崔駭嘆遂與定交
舉手筆俊拔哲人奇士隱淪屠釣及文藻宏

麗科開元十年又舉賢良方正為集賢修撰
改考功員外遷中書舍人典詔誥卒有集二
十卷逖本盛唐詩人因此集未為全本今與
崔峒並帙

崔峒

博陵人舉進士為拾遺集賢學士終於州刺
史或云終於武元令唐文藝傳云終於右補
闕大曆才子之一詩一卷

劉禹錫

姓
字夢得中山人貞元九年進士登博學宏詞
科為監察御史時王叔文得幸劉與之交叔
文敗貶朗州司馬召還復出刺播州易連州
又徙夔州後徙和州入為主客郎中裴度薦
為翰林學士遷太子賓客會昌間檢校禮部
尚書卒禹錫恃才而廢褊心不無怨望年益
晏偃蹇寡所合乃以文章自適晚節尤精樂
天常推之為詩豪云集四十卷

張籍

字文昌蘇州人貞元十五年及第歷官大祝
秘書郎國子博士水部員外郎國子司業卒
有集七卷行于世

王建

字仲初潁州人大曆十年進士太和中為陝
州司馬與韓愈張籍同時而尤相友善工為
樂府歌行思遠格幽詩十卷

賈島

字浪仙范陽人連敗文場遂為浮屠名無本

來東都韓愈教共為文遂去浮屠舉進士大
中末為長江至簿有長江集十卷詩集詩格
傳于世劉公家話云島為僧居法乾寺宣宗
嘗微行至寺聞鐘樓有吟聲遂登樓於島案
取詩覽之島攘臂睨曰即君何會此耶遂奪
取詩卷帝慚下樓而去後遂除島為長江簿

李商隱

字義山懷州人李勣之後文宗開成二年登
進士第調弘農尉王茂元表掌書記以子妻

之除侍御史令狐楚愛其詩才奏為集賢校
理後為檢校吏部員外郎歸滎陽卒有樊南
甲集二十卷乙集二十卷並傳商隱為文章
瑰邁奇古長於律詩詠史尤精與溫庭筠等
號三十六體自稱玉溪子亦號曰西昆體云

中唐詩人姓氏終

儲光羲詩集目錄

五言古詩

述韋昭應畫犀牛

獻王威儀

野田黃雀行

樵父詞

漁父詞

牧童詞

採蓮詞

採菱詞

射雉詞

猛虎詞

渭橋北亭作

述華清宮

五首

雜詠五首

石子松

架簷藤

池邊鶴

釣魚灣

幽人居

題太玄觀

至嵩陽觀

觀即天
皇故宮

題韋鍊師

霽後貽馬十二
巽

題陸山人樓

獻八舅東歸

泛茅山東溪

喫茗粥作

遊茅山 五首

述降聖觀

題眇上人禪居

過新豐道中

夜到洛口入黃河

使過彈箏峽作

行子苦風 泊舟貽
潘少府

仲夏入園中
東陂

效古 二首

雜詩 二首

陸著作挽歌 五首

山居貽裴十二
迪

秦中歲晏馬舍人宅

薦玄德公廟

上長史王公責躬

至嶽寺上温上人

終南幽居 獻蘇侍
郎三首

題應聖觀

至閑居精舍 呈正
上人

酬綦母校書夢耶溪見贈之作

田家即事

同王十三維 偶然作
十首

昇天行貽盧六徒

田家雜興 八首

題辨覺精舍

題慎言法師故房

石甕寺

題崔山人別業

行次田家澳梁作

昭聖觀

題辛道士房

登秦嶺作 時陷賊
歸國

晦日任橋池亭

望幸亭

哥舒大夫頌德

安宜園林獻高使君

秋庭貽馬九 并序

河中望鳥灘作

秦中初霽獻給事 二首

晚次東亭 獻鄭州宋
使君文

秋次灞亭寄申大

舟中別武金壇

鞏城東莊道中作

赴馮翊作

晚霽中園喜赦作

觀范陽遞俘

次天元十載華陰發兵作時有即官點發

送丘健至州勅放作時任下邳縣

登商丘

羣鴉詠

尚書省受誓誠貽太廟裴丞

夏日尋藍田唐丞登高宴集

田家即事答崔二東臯作 四首

敬酬陳掾親家翁秋夜有贈

蘇十三瞻登玉泉寺峰入寺中見贈作

酬李處士山中見贈

同諸公秋日遊昆明池思古

同諸公登慈恩寺塔

同諸公秋霽曲江俯見南山

同諸公送李雲南伐蠻

奉和韋判官獻侍郎叔除河東採訪使

同王十三維哭殷遙 貽丁主簿仙芝別

京口送別王四誼 同房憲部應旋

奉別長史庾公太守徐公應召

獄中貽姚張薛李鄭柳諸公

貽鼓吹李丞相 時信安王非伐李
公王之所器者也

貽王侍御出臺掾丹陽

貽劉高士別 山中貽崔六琪華

貽余處士 劉先生閑居

京口題崇上人山亭 朝邑蔡主簿 期不會
二首

鞏城南河作寄徐三景暉

信
卷一
九
貽閻處士防卜居終南

新豐作貽殷四校書

華陰作貽祖三詠
貽袁三拾遺謫作

洛中貽朝校書衡朝即日本人也

貽崔太祝
貽三處士子文

獻華陰羅丞別
閑居

送恂上人還吳
送周十一

七言古詩

新豐主人
登戲馬臺作

貽從軍行

酬李壺關奉使行縣
憶諸公

薔薇

同張侍御宴北樓

五言律詩

臨江亭五詠并序
餞張七琚任宗城

留別安慶李太守
洛陽東門送別

漢陽即事
泊江潭貽馬校書

送沈校書吳中搜書
寒夜江口泊舟

苑外至龍興院作
題虬上人房

詠山泉
貽主客呂郎

京口劉別

徐大浦關
趙二陵零

答王十三維

奉和中書徐侍郎中書省翫白雲寄

趙大
頴陽

和張太祝冬祭馬步

祭風伯壇應

張太
祝作

尋徐山人遇馬舍人

夜觀妓

洛橋送別

秦中送人觀省

洛中送人還江東

洛潭送人觀省

送姚六崑客任會稽何大蹇任孟縣

送人隨大夫和蕃

仲夏餞魏四

河非
觀叔

送人尋裴斐

隴頭水送別

送王上人還襄陽

官莊池觀競渡

重寄虬上人

張谷田舍

五言排律

大酺得長字韻時任安宜尉

同張侍御鼎和京兆蕭兵曹華歲晚南園

奉酬張五丈垂贈

秦中守歲

獻高使君大酺作

崇陽馬氏二子

觀競渡

太學貽張筠

七言律詩

田家即事

五言絕句

洛陽道五首

獻呂四
即中

同武平一員外遊湖

長安道二首

江西曲四首

關山月

玉真公主山居

滄浪峽

奉真觀

七言絕句

明妃曲四首

同武平一員外五首

題茅山華陽洞

寄孫山人

儲光義詩目終

唐儲光義集序

著作郎顧况撰

聖人賢人皆鍾運而生述聖賢之意亦鍾運盛衰
矣開元十四年嚴黃門知考魯國儲公進士高第
與崔國輔員外綦毋潛著作同時其明年擢常建
少府王龍標昌齡此數人者皆當時之秀而侍御
聲價隱隱輻輳諸子其文篇賦論凡七十卷雖無
雲雷之會意氣相感而扶危急病綽有賢達之風
挾身虜庭竟陷危邦亡生不融何以言命然窺其

鴻黃窈邃之氣金石管磬之聲如登瑤臺而進玉
府靈篇邃宇景物察映綠流翠草嘉禾瑞鳥不足
稱珍嗣息曰浴亦鳳毛駿骨恐墜先志沂泗千里
泣拜告予云我先人與王右丞伯仲之權也相國
縉雲嘗以序冠編次會縉雲之謫亡焉後輩據文
之士風流不接故小子獲忝操簡伏懼魂遊無方
嗤責造次茫茫古道不見來者豈以龍戰害乎鹿
門齊竽競吹燕石爭寶嗚呼薄遊之士未躋一峰
已伐其峻登閣風者乃知遷迤昏明掩豁將盡復

通之若是乎

殷璠云儲公詩格高調逸趣遠情深削盡常言挾
風雅之迹道得浩然之氣遊茅山詩云山門入松
栢天路涵虛空又華清宮詩云山開鴻濛色天轉
招搖星此例數百句已略見荆揚集不復廣引璠
嘗觀公正論十五卷九義外義疏卷言博理當寔
可謂經國之大材

樂城遺言云儲光羲詩高處似陶淵明平處似王
摩詰

唐儲光羲詩集卷一

江左蘭嵎朱之蕃校

門人

羅順標

梓

朱熙文

王世茂

五言古詩

述韋昭應畫犀牛

遐方獻文犀萬里隨南金大邦柔遠人以之居山
林食棘無秋冬絕流無淺深雙角前嶄嶄三蹄下
駸駸朝賢壯其容未能辨其音有我衰鳥即新邑

長鳴琴陞閣飛嘉聲
立甸盈仁心閑居命國工
作繪非堂陰耿耿若有神
庶比來儀禽昔有舞天庭
為君奏龍吟

獻王威儀

入與真主言有騎天馬來
但有華清宮不用神明
臺肅肅長自閑門靜無人開

野田黃雀行

嘖嘖野田雀不知軀體微
閑穿深叢裏爭食復爭
飛窮老一類舍棗多桑樹
稀無棗猶可食無桑何

以衣蕭條空倉暮相引時來歸
斜路豈不捷渚田
豈不肥水長路且壞惻惻與心違

樵父詞

山北饒朽木山南多枯枝
枯枝作採薪爨室私自
知詰朝礪斧尋視暮行歌
歸先雪隱薜荔迎暄臥
茅茨清澗日濯足喬林時
曝衣終年登險阻不復
憂安危蕩漾與神遊莫知是與非

漁父詞

澤魚好鳴水溪魚好上流
漁梁不得意下渚潛垂

鈎亂行時礙楫新蘆後隱舟靜言念終始安坐看
沉浮素髮隨風揚遠心與雲遊逐浪還極浦信潮
下滄洲非為狗形役所樂在行休

牧童詞

不言牧田遠不道牧陂深所念牛馴擾不亂牧童
心圓笠覆我首長蓑披我襟方將憂暑雨亦以惧
寒陰大牛隱層坂小牛穿近林同類相鼓舞觸物
成謳吟取樂須臾間寧問聲與音

採蓮詞

淺渚荇花繁深潭菱葉踈獨往方自得耻邀淇上
姝廣江無竹阡大澤絕方隅浪中海童語林下鮫
人居春鴈時隱舟新萍復滿湖采采乘日養不思
賢與愚

採菱詞

濁水菱葉肥清水菱葉鮮義不遊濁水志士多苦
言潮沒具區數潦深雲夢田朝隨非風去暮逐南
風旋浦口多漁家相與邀我船飯稻以終日蓴羹
將永年方冬水物窮只欲休山樊盡室相隨從所

貴無憂患

射雉詞

曝暄理新翳迎春射鳴雉原田遙一色臯陸曠千
里遙聞呶喔聲時見雙飛起幕歷疎蒿下毳毼深
叢裏顧敵已忘生爭雄方決死仁心貴勇義豈能
復傷此超遙下故墟迢遞回高時大夫昔何苦取
笑歡妻子

猛虎詞

寒亦不憂雪饑亦不食人人肉豈不甘所惡傷明
神太室為我宅孟門為我鄰百獸為我膳五龍為
我賓蒙馬一何威浮江亦以仁彩章耀朝日爪牙
雄武臣高雲逐氣浮厚地隨聲震君能賈餘勇日
夕長相親

渭橋北亭作

停車渭陽暮望望入秦京不見鷓鴣道如聞歌吹
聲鄉魂涉江水客路指蒲城獨有故樓月今來亭
上明

述華清宮

五首

信集 卷一
上在蓬萊宮莫若居華清朝朝禮玄閣日日聞體
輕大聖不私己精禋為羣氓

上出蓬萊時六龍儼齊首長道舒羽儀彤雲映前
後天穀殷宇宙真氣到林藪

昔在軒轅朝五城十二樓今我神泉宮獨在驪山
陬羣方趨順動百辟隨天遊

正月開陽和通門緝元化穆穆睟容歸豈為明燈
夜高山大風起肅肅隨龍駕

上林神君宮此地即明廷山開鴻濛色天轉招搖
星三靈報大有孰為非我靈

雜詠五首

石子松

盤石青巖下松生盤石中冬春無異色朝暮有清
風五獵何人采西山舊雨童

架簷藤

得從軒墀下殊勝松栢林生枝逐架遠吐葉向門
深何許答君子簷間朝暝陰

池邊鶴

信集 卷一
舞鶴傍池邊水清毛羽鮮立如依岸雪飛似向池
泉江海雖言曠無如君子前

釣魚灣

垂釣綠灣春春深杏花亂潭清疑水淺荷動知魚
散日暮待情人維舟綠楊岸

幽人居

幽人下山徑去去來青林滑處莓苔濕暗中蘿薜
深春朝煙雨散猶帶浮雲陰

題太玄觀

門外車馬喧門裏宮殿清行即翳若木坐即吹玉
笙所喧既非我真道其冥冥

至嵩陽觀觀即天皇故宮

真人上清室乃在中峰前花霧生玉井霓裳畫列
僊念茲宮故宇多此地新泉松柏有清陰薜蘿亦
自妍一聞步虛子又話逍遙篇忽若在雲漢風中
意泠然

昭韋鍊師

精思莫知日意靜如空虛三鳥自來去九光遙卷

信集
舒新池近天井玉宇停雲車余亦苦山路洗心祈
道書

霽後貽馬十二翼

高天風雨散清氣在園林况我夜初靜當軒鳴綠
琴雲開北堂月庭滿南山陰不見長裾者空歌遊
子吟

題陸山人樓

暮靄雜初鴈夜色涵早秋獨見海中月照君池上
樓山雲拂高棟天漢入雲流不惜朝光滿其如千

里愁

獻八舅東歸

高位莫能捨捨之世所賢雲車遊日華豈比龍樓
前天書加羽服又許歸東川鏡水涵太清禹山朝
上玄誠亡真混沌玉立方嬋娟素業作仙居子孫
當自傳門多松栢樹篋有逍遙篇獨往不可羣滄
海成桑田

泛茅山東溪

清晨登仙峰峰遠行未極江海霽初景草木含新

色而我任天和此時聊動息望鄉白雲裏發棹清
溪側松栢生深山無心自貞直

喫茗粥作

當晝暑氣盛鳥雀靜不飛念君高梧陰復解山中
衣數片遠雲度曾不蔽炎暉淹留膳茶粥共我飯
蕨薇散廬既不遠日暮徐徐歸

遊茅山 五首

十年別鄉縣西去入皇州此意在觀國不言空遠
遊九衢平若水利往來輕舟非洛反初路東江還

故丘青山多秀木碧澗盡清流不見子桑扈當從
方外求

世業傳儒行行成非不榮其如懷獨善况以聞長
生家近華陽洞早年深此情巾車雲路入理棹瑤
溪行天地朝光滿江山春色明王廷有軒冕此日
方知輕

平生非作者望古懷清芬心以道為際行將時不
羣茲山在人境靈貺久傳聞遠勢一峰幽近形千
嶂分冬春有茂草朝暮多鮮雲此去亦何極但言

西日曛

昔賢居柱下今我去人間良以直心曠蕪之外視
閒岳綸非釣國好學異希顏落日登高嶼悠然望
遠山溪流碧水去雲帶清陰還想見中林士巖扉
久不關

名嶽徵仙事清都訪道書山門入松栢天路極空
虛南極見朝爽西潭聞夜漁遠心尚雲宿浪跡出
林居為已存實際忘形同化初此行良已矣不樂
復何如

述降聖觀

一山盡天苑一峰開道宮道花飛羽衛天鳥遊雲
空玉殿俯玄水眷旗搖素風夾門小松栢覆井新
梧桐自昔太仙下乃知元化功神皇作桂館此意
與天通

題眇上人禪居

真王清淨子燕居復行心結宇隣居邑寤言非遠
尋丹青丈室滿草樹一庭深秀色玄冬發交枝白
日陰江流映朱戶山鳥鳴香林獨住已寂寂安知

浮與沉

過新豐道中

西下長樂坂東入新豐道雨多車馬稀道上生秋
草太陰蔽臯陸莫知晚與早雷雨杳冥冥川谷漫
浩浩詔書植嘉木衆言桃李好自愧無此容歸從
漢陰老

夜到洛口入黃河

河洲多青草朝暮增客愁客愁惜朝暮枉渚暫停
舟中宵大川靜解纜逐歸流浦淑既清曠汭泗匪

阻修登艦望落月擊汰悲新秋倘遇乘槎客永言
星漢遊

使過彈箏峽作

鳥雀知天雪羣飛復羣鳴原田無遺粟日暮滿空
城達士憂世務鄙夫念王程晨過彈箏峽馬足凌
競行雙壁隱靈曜莫能知晦明皚皚堅冰白漫漫
陰雲平始信古人言苦節不可貞

行子苦風泊舟貽潘少府

行子苦風潮維舟未能發宵分卷前幔卧視清秋

月四澤薰葭深中洲煙火絕滄滄水霧起澌澌疎
星沒所遇盡漁商與言多楚越其如念極浦又以
思明哲常若千里餘况之異鄉別

仲夏入園中東陂

方塘深且廣伊昔俯吾廬環岸垂綠柳盈澤發紅
蘂上延北原秀下屬幽人居暑雨若混沌清明如
空虛此鄉多隱逸水陸見樵漁廢賞亦何貴為歡
良易攄且言重觀國當此賦歸歟

效古 二首

晨登涼風臺暮走邯鄲道曜靈何赫烈四野無青
草大軍北集燕天子西居鎬婦人役州縣丁男事
征討老幼相別離哭泣無昏早稼穡既殄絕川澤
復枯槁曠哉遠此憂冥冥商山皓
東風吹大河河水如倒流河洲塵沙起有若黃雲
浮頽霞燒廣澤洪耀赫高丘野老泣相語無地可
蔭休翰林有客卿獨負蒼生憂中夜起躑躅思歎
猷厥謀君門峻且深躑躅足空夷猶

雜詩 二首

混沌本無象末路多是非達士志寥廓所在能忘
機畊鑿時未至還山聊采薇虎豹對我蹲鸞鷲傍
我飛仙人空中來謂我勿復歸格澤為君駕虹蜺
為君衣西遊崑崙墟可與世人違

秋氣肅天地太行高崔嵬援馳清夜吟其聲一何
哀寂寞掩葦華夢寐遊蓬萊琪樹遠亭亭玉堂雲
中開洪崖吹蕭管玉女飄飄來雨師既洗道後路
無纖埃鄙哉楚襄王獨好陽雲臺

陸著作挽歌

五首

陸著作挽歌

五首

世業江湖側郊原休沐處獨言五日歸未道千秋
去鄉亭春水綠昌閣寒光暮昔為畫錦遊今成逝
川路

歸路秦城下寒雲慘平田故園滄海邊綠柳覆平
川送客異他日還舟殊昔年華亭有明月長向隴
頭懸

劍水千人石荆江萬里流英英有君子才德滿中
州明道俟良佐惟賢初薄遊山涯一朝盡寂寞夜

信集
卷一
臺幽

金堂策令名僊掖居清位鳴玉朝雙闕垂纓遊兩地朝夕既論思春秋仍書事何言魯殷伯忽下瓊珠淚

令德棄人世明朝降寵章起居存有位著作沒為郎寒水落南浦月華虛非堂松門一長想彷彿見清揚

山居貽裴十二迪

落葉滿山砌蒼煙埋竹扉遠懷青冥士書劍常相

依霜臥眇然

已違衡陽今萬里南雁將

何歸出徑惜松引入人憐釣磯西林有明月夜久空微微

秦中歲晏馬舍人宅宴集

冬暮久無樂西行至長安故人處東第清夜多新歡廣庭竹陰靜華池月色寒知音盡詞客方見交情難

薦玄德公廟

神道本無已成化亦自然君居察天上德在玉華

泉真遊踐玉豫永日遲雲仙表微在營道明祀將
祈年靈山俯新邑松上生彩煙豈知穆天子遠去
瑤池邊

上長史王公責躬

覆舟無伯夷覆車無仲尼自咎失明義寧由貝錦
詩松栢日已堅桃李日以滋顧已獨暗昧所居成
疾藜大賢薦時文醜婦用蛾眉惕惕愧不已豈敢
論其私方朔既有言子建亦有詩惻隱及先世析
薪成自悲靈鳥酬德輝黃雀報仁慈若公庶伏罪
此事安能遲

至嶽寺即大通大照禪塔上溫上人

秋山下映宮宮色宜朝陽迢遞在半嶺叅差非一
行燕息滿雲門出遊花隱房二尊此成道禪宇遙
相望鳳鐸天中鳴巖梯松下長山墟響信鼓蘅薄
生蕙香起滅一以雲往來亦誠亡悲哉門弟子要
自知心長

終南幽居獻蘇侍郎三首時拜太祝未上

暮春天氣秋登嶺望層城朝日懸清景巍峩宮殿

信集 卷一
明聖君常臨朝達士復懸衡道近無良足歸來臥
山楹靈堦曝仙書深室鍊金英春巖松栢秀晨路
鷓鷄鳴羽化既有言無然悲不成

中歲尚微道始知將谷神抗策還南山水木自相
親深林開一道青嶂成四鄰平明去採薇日入行
刈薪雲歸萬壑暗雲罷千巖春始看玄鳥來已見
瑤華新寄言褰芳者無乃後時人

卜築青巖裏雲羅四垂陰虛室若無人喬木自成
林時有清風至側聞樵採音鳳凰鳴南岡望望隔
層岑既言山路遠復道溪流深倏然空中遊虬龍
水間吟何當見輕翼為我達遠心

題應聖觀

空中望小山山下見餘雲皎皎河漢女在茲養真
骨登門駭天書啟籙問仙訣池光搖水霧燈色連
松月合塼起花臺折草成玉節天雞弄白羽王母
垂玄髮北有上年宮一路在雲霓上心方嚮道時
復朝金闕

至閑居精舍呈正上人

太室三招提其趣皆不同不同非一趣况是天遊
 宮雙嶺前夾門閣道復橫空寶坊若花積宛轉不
 可窮流泉自成池清松信饒風秋晏景氣迥晶明
 丹素功近將隱者隣遠與西山通大師假惠照念
 以息微躬

酬綦母校書夢耶溪見贈之作

校文在仙掖每有滄洲心况以非窓下夢遊清溪
 陰春看湖水漫夜入迴塘深往往纜垂篙出舟望
 前林山人松下飯釣客蘆中吟小隱何足貴長年

固可尋還居首東道惠言若黃金以我採薇意傳
 之天姥岑

田家即事

蒲葉日已長荇花日已滋老農要看此貴不違天
 時迎晨起飯牛雙駕耕東菑蚯蚓土中出田鳥隨
 我飛羣合亂啄噪噉噉如道飢我心多惻隱顧此
 兩傷悲撲食與田鳥日暮空筐歸親戚更相誚我
 心終不移

同王十三維偶然作 十首

信集 卷一
仲夏日中時草木看欲焦田家惜工力把鋤來東
臯顧望浮雲陰往往誤傷苗歸來悲困極兄嫂共
相饒無錢可沽酒何以解劬勞夜深星漢明庭宇
虛寥寥高柳三五株可以獨逍遙

北山種松柏南山種蒺藜出入雖同趣所向各有
宜孔丘貴仁義老氏好無為我心若虛空此心將
安施蹙過伊闕間婉婉三伏時高閣入雲中芙蓉
滿清池要自非我室還望南山陔

野老本貧賤冒雨鋤瓜田一畦未及終樹下高枕
眠荷篠者誰子皤皤來息肩不復問鄉墟相見但
依然腹中無一物高話羲皇年落日臨層隅逍遙
望晴川使婦提蠶筐呼兒榜漁舡悠悠泛綠水去
摘浦中蓮蓮花艷且美使我不能還

浮雲在虛空隨風復卷舒我心方處順動作何憂
虞但言嬰世網不復得閑居迢遞別東國超遙采
西都見人乃恭敬曾不問賢愚雖若不能言中心
亦難誣故鄉滿親戚道遠情日踈偶款陳此意復
無南飛鳧

草木花葉生相與命為春當非草木意信是故時
人靜念惻羣物何由知至真狂歌問夫子夫子莫
能陳鳳凰飛且鳴容裔下天津清淨無言語茲焉
庶可親

黃河向東流弱水流向西趨舍各有異造化安能
齊妾本邯鄲女生長在叢臺既聞容見寵復想玄
為妻刻畫尚風流幸會君招攜逶迤歌舞座婉孌
芙蓉閨日月方向除恩愛忽焉睽棄置誰復道但
悲生不諧羨彼匹婦意偕老常同棲

日暮登春山山鮮雲復輕遠近看春色踟躕新月
明仙人浮丘公對月時吹笙丹鳥飛熠燿蒼蠅亂
營營羣動汨吾真訛言傷我情安得如子晉與之
遊太清

耿耿銅鞮宮遙望長數里賓客無多少出入皆珠
履朴儒亦何為辛苦讀舊史不道無家舍效他養
妻子冽冽玄冬暮衣裳無准擬偶然著道書神人
養生理公卿時見賞賜賚難具紀莫問身後事且
論朝夕是

信集
卷一
空山暮雨來衆鳥竟棲息斯須照夕陽雙雙復撫
翼我念天時好東田有稼穡浮雲蔽川原新流集
溝洫徘徊顧衡宇僮僕邀我食卧覽牀頭書睡者
機中織想見明膏煎中夜起唧唧

四鄰競豐屋我獨好卑室窈窕高臺中時聞撫清
瑟狂飈動地起拔木乃泝一相顧始知悲中心憂
且慄蚩蚩命子弟恨不居高秩日入賓從歸清晨
冠蓋出中庭有竒樹榮早衰復疾此道猶不知微
言安可述

昇天行貽盧六健

真人居閭風時奏清商音聽者即王母泠泠和瑟
琴坐對三花枝行隨五雲陰天長崑崙小日久蓬
萊深上由玉華宮下視首陽岑神州亦清淨要自
有浮沉惻惻苦哉行呱呱遊子吟廬山逢若士思
欲化黃金雨雪沒太山誰能無歸心逍遙在雲漢
可以來相尋

田家雜興 八首

春至鷓鴣鳴薄言向田墅不能自力作黽勉娶鄰

信集
女既念生子孫方思廣田圃閒時相顧笑喜悅好
禾黍夜夜登嘯臺南望洞庭渚百草被霜露秋山
響砧杵却羨故年時中情無所取

衆人耻貧賤相與尚膏腴我情既浩蕩所樂在畋
漁山澤時晦暝歸家整閑居滿園植葵藿繞屋樹
桑榆禽雀知我閒翔集依我廬所願在優游州縣
莫相呼日與南山老兀然傾一壺

逍遙阡陌上遠近無相識落日照秋山千巖同一
色網罟繞深莽鷹鷂始輕翼獵馬既如風奔獸莫
敢息駐旗滄海上犒士吳宮側楚國有夫人性情
本貞直鮮禽徒自致終歲竟不食

田家趨墮畝當晝掩虛闕隣里無煙火兒童共幽
閑桔槔懸空圃雞犬滿桑間時來農事隙採藥遊
名山但言所採多不念路險艱人生如蜉蝣一往
不可攀君看西王母千載美容顏

貧士養情性不復知憂樂去來行賣畚留滯南陽
郭秋至黍苗黃無人可刈獲孺子朝未飯把竿逐
鳥雀忽見梁將軍乘車出宛洛意氣軼道路光輝

滿墟落安知負薪者啞啞笑輕薄

楚山有高士梁國有遺老築室既相鄰同田復同道
糗糒常共飯兒孫每更抱忘此耕耨勞愧彼風雨好
螻蛄鳴空澤鷓鴣傷秋草日夕寒風來衣裳苦不早

梧桐蔭我門薜荔網我屋超超兩夫婦朝出暮還
宿稼穡既自種牛羊還自牧日旰懶畊鋤登高望
川陸空山足禽獸墟落多喬木白馬誰家兒聯翩
相馳逐

種桑百餘樹種黍三十畝衣食既有餘時時會親
友夏來菰米飯秋至菊花酒孺人喜逢迎穉子解
趨走日暮閒園裏團團蔭榆柳酌酎乘夜歸涼風
吹戶牖清淺望河漢低昂看北斗數甕猶未開明
朝能飲否

題辨覺精舍

朝隨秋雲陰乃至青松林花閣空中遠方池巖下
深竹風亂天語溪響成龍吟試問真君子遊山泚
世心

題慎言法師故房

精廬不住子自有無生鄉
過客知何道 徘徊雁子
堂浮雲歸故嶺 落月還西方
日夕虛空裏 時時聞
異香

石甕寺

遙山起真宇 西向盡花林
下見宮殿小 上看廊廡
深苑花落池 水天語聞松
音 君子又知我 焚香期
化心

題崔山人別業

南陽隱居者 築室丹溪源
溪冷懼秋宴 室寒欣景
瞰 山雞鳴 菌閣水霧入
衡門 東嶺或舒嘯 北窓時
討論 封君渭陽竹 逸士漢
陰園 何必崆峒上 獨為
堯所尊

行次田家澳梁作

田家俯長道 邀我避炎氛
當暑日方晝 高天無片
雲 桑間禾黍氣 柳下牛羊
群 野雀棲空屋 晨昏不
復聞 前登澳梁坂 極望溫
泉分 送旅方三舍 西山
猶未曛

昭聖觀

主家隱溪口微路入花源數日朝青閣彩雲猶在
門雙樓夾一殿玉女侍玄元扶檠畫蟠木步攔多
畫幡新松引天籟小栢繞山樊坐弄竹陰遠行隨
溪水喧石池辨春色林獸知人言未逐鳳凰去真
宮在此原

題辛道士房

全神不言命所尚道家流迨此遠南楚遂令思非
遊先生秀衡嶽玉立居玄丘門帶江山靜房隨

草幽逍遙三花發罔象五雲浮自有太清紀曾垂
草髮憂大年方橐籥小智即蜉蝣七日赤龍至莫
令余獨留

登秦嶺作時陷賊歸國

朝出猛獸林躩踞登高峰僮僕履雲霧隨我行大
空羲和舒靈暉倏忽西極通迴首望涇渭隱隱如
長虹九達合蒼蕪五陵遙矐矐鹿遊大明殿霧濕
華清宮網羅蛟螭時齒熊羆鋒失途走江漢不
能有其功氣逐招搖星魂隨閭闔風唯言宇宙清

信集
復使車書同林木被繁霜合沓連山紅鵬鷲勵羽
翼俯視荆棘叢誓將食鶴鷄然後歸崆峒

晦日任橋池亭

溫泉作天邑直北開新洲未有菰蒲生即聞鳧鴈
遊六亭在高岸數島居中流晦日望清波相與期
泛游西道苦轉轂冰隄疲行舟清冷水木陰絳可
適我憂

望幸亭

五年一巡狩西幸過東畿周國易居守周人多怨

思君王敷惠政程作貴從時大厦非一木沉沉臨
九達慶雲宿飛棟嘉樹羅青墀疏屏宜朝享方塘
堪水嬉雲中仰華蓋桁下望春旗天意知如此星
言歸洛師

哥舒大夫頌德

天紀啟真命君生臣亦生乃知赤帝子復有蒼龍
精神武建皇極文昌開將星超超渭濱罷落落山
西名畫闥入受服鑿門出扞城戎人昧正朔我有
軒轅兵隴路起豐鎬關雲隨旆旌河湟訓兵甲義

勇方積行韓魏多銳士蹇張在幕庭大非四决
 石堡高崢嶸攻伐若振槁孰云非神明嘉謀即天
 意驟勝由師貞枯草被西陸烈風昏太清戢戈旋
 頭落牧馬崑崙平賓從儼冠蓋封山紀天敵來朝
 芙蓉闕鳴玉飄華纓直道濟時憲天邦遂輕刑抗
 書報知己松栢亦以榮嘉命一第德輝照天京
 在車持簡墨粲粲皆詞英顧我搶榆者莫能翔青
 冥遊燕非騏驥躑躅思長鳴

安宜園林獻高使君

直道已三出幸從江上迴新居茅茨迥起見秋雲
 開十里次舟楫二橋交往来楚言滿鄰里鴈叫喧
 池臺魚鱉樂仁政沉浮亦至哉小山宜大隱要自
 望蓬萊

秋庭貽馬九

并序

扶風馬挺余之元伯也舍人諸昆知己之目挺充
 鄭鄉之賦予乃貽此詩

伊昔好觀國自鄉西入秦往復萬餘里相逢皆眾
 人大君幸東嶽世哲扈時巡予亦從此去閑居清

洛濱稍稍寒，永直彩彩陽華新。迭宕孔文舉風流，石季倫妙年一相得，白首定相親。重此虛賓館，歡言冬及春。哲兄盛文史，出入馳高軌。令德本同人，深心重知己。絳衣朝聖主，紗帳延才子。伯淮與季江，清濬各孤峙。群芳趨泛愛，萬物通情理。而我信空虛，提携過杞梓。夫君美聲德，直道期終始。孰謂忽離居，優游鄭東里。東里近王城，山連路亦平。何言相去遠，閑言獨淒清。萬里鴻鴈度，四鄰砧杵鳴。其如久離別，重以霜風驚。

河中望鳥灘作貽呂四郎中

河流有深曲，舟子莫能知。弭棹臨沙嶼，微吟西日馳。平明春色霽，兩岸好風吹。去去川途盡，悠悠親友離。漢宮成羽翼，伊水弄參差。為惜淮南子，如何攀桂枝。

秦中初霽獻給事 二首

渭水收暮雨，處處多新澤。宮苑傍山明，雲林帶天碧。君子聳高駕，英聲邀今昔。鏘珮出中臺，影纓入仙掖。夙心幸清鑒，晚志欣良覲。鳴盜非足徵，願言

信集
同下客

南國久為思西都嘗作賓雲開天地色日照山河
春善聽在知己揚光唯達人妙年弄柔翰弱冠偶
良辰擢第文昌閣還家滄海濱寸心何所
有賢臣
掖

晚次東亭獻鄭州宋使君文

身初賓上國乃到鄒人鄉曾點與曾子俱昇闕里
堂武皇恢大略逸翮思寥廓三居清憲臺兩拜文
昌閣為道既真信處名猶謬諤鐵柱勵風威錦軸

含光輝夜聞持簡立朝看伏奏歸洞間清珮響廣
路玉珂飛讓首入丹掖搏空趨太微絲綸逢聖主
出入飄華組愔愔宿帝梧怳怳居文府海內語三
獨朝端謀六戶善計在弘羊清嚴歸仲舉侍郎跨
方朔中丞茂周處天眷擇循良惟賢降寵章分符
指聊攝為政本農桑籍籍歌五袴祁祁頌千箱隨
車微雨灑逐扇清風颺既以遷列國復茲隣帝鄉
褰帷乃仍舊坐嘯非更張居敬物無擾履端人自
康薄遊出京邑引領東南望林晚鳥雀噪田秋稼

穡黃成皋天地險廣武征戰場道喪苦兵賦時來
開井穰霏霏渠門色晦晦制巖光徒念京索近猶
悲溱洧長大明潛照耀淑慝自昭彰昔歲幸西土
今茲歸洛陽同馬知鄭伯當輔我周王

秋次灞亭寄申大

橘柚植寒陵芙蓉蒂脩坂無言不得意得意何由
展况我行且徒而君往猶寒既傷人事近復言天
道遠薄暮入空亭中夜不能飯南聽鴻鴈盡西見
招搖轉千門漢主宮百里周王苑杲杲初景出油
油鮮雲卷會朝幸歲真校獵從秋獮念君久京國
雙涕如露泫無人薦子雲太息竟誰辨

舟中別武金壇

曰予輕皎潔坦率賓混元忽乃異群萃高歌信陵
門信陵好賓客清夜開華軒月光麗池閣野氣淨
林園偶坐爛明星歸志潛崩奔漾舟清潭裏慰我
別離魂落日下西山左右慘無言蘭條風雨散宵
霽江湖昏秋荷尚幽鬱暮鳥復翩翩紙筆亦何為
寫我心中寃

鞏城東莊道中作

非陵散寒鳥西山照初日婉孌晉陽京踟躕野人
室南軒草間去後乘林中出靄靄長路暖遲遲狹
路歸蟬螿時蔽月枳棘復傷衣城上東風起河邊
早雁飛夏王紀冬令殷人乃正月涯口度新雲山
陰留故雪幸逢耆耄諾餘待親鄰別總轡出叢薄
歇鞍登峻隅春源既蕩漭伏戰亦睢盱未獲遵平
道徒言信薄夫

赴馮翊作

本自江海人且無寮廓志大明耀天宇靄靄風雨
被迢遞別荆吳飄飄涉沂泗廣川俟舟楫峻坂傷
騏驥躑躅失歸道崎嶇從下位西出太華陰非步
少梁地葱隴墟落色泱泱關河氣耻從狹烈遊甘
為刀筆吏寶劔策萁匣豈忘知音貴大道且泛然
沈浮未云異

晚霽中園喜赦作

五月黃梅時陰氣蔽遠邇濃雲連晦朔菰菜生隣
里落日燒霞明農夫知雨上幾悲衽席濕長嘆垣

信集 卷一 二十九
墻毀曠朗天宇開家族欣以喜渙汗發大號坤元
更資始散衣出中園小徑尚滑履池光搖萬象倏
忽滅復起嘉樹如我心欣欣豈云已

觀范陽逋俘

北河旄星殞鬼方獮林胡群師舞弓矢電發歸燕
墟皇皇軒轅君贊贊臯陶謨方思壯軍實遠近逋
生俘車馬踐大逵合沓成深渠牧人過橐駝校正
引駒駘烈風朝送寒雲雪霽天隅草木同一色誰
能辨榮枯四履封元戎百金酬勇夫大邦武功爵

固與炎皇殊

次天元十載華陰發兵作時有卽官點發

鬼方生獫狁時寇盧龍營帝念霍嫫姚詔發咸林
兵天星下文閣簡師臨我城三陌觀勇夫五餌謀
長纓雷野大車發震雲靈鼓鳴太華色莽蒼清渭
風交橫胡馬悲雨雪詩人歌旆旌闕氏為女奴單
于作邊氓神皇麒麟閣大將不書名

送丘健至州勅放作時任下邳縣

太史登觀臺天街耀旄頭大君忽霆震詔爵冠軍

侯南必梁孫源西將圍崑丘河隴徵擊卒虎符到
我州朝集咸林成師言亂啁啾殺氣奕木德凜凜
如高秋元戎啟神皇廟堂發嘉謀息兵業稼穡歸
馬復休牛和風開陰雲大耀中天流歡聲殷河嶽
涵望泚煙浮邦牧新下車德禮彼吐謳乾坤日交
泰吾亦遂優游

登商丘

河水日夜流客心多殷憂維稍歷宋國結纜登商
丘漢皇封子弟周室命諸侯搖搖世紀怨傷古復

兼秋鳴鴻念極浦征旅慕前儔太息梁王苑時泚
牧馬遊

群鴉詠

新宮驪山陰龍袞時出豫朝陽照羽儀清吹肅遠
路羣鴉隨太車夜滿新豐樹所思在腐餘不復憂
霜露河低宮閣深燈隱鼓鐘曙繽紛集寒枝矯翼
時相顧家宰收琳琅侍臣進鴛鴦高舉摩太清永
絕矰繳懼茲禽亦翱翔不以微小故

尚書省受誓誡貽太廟裴丞

信集
皇家有恒憲齋祭崇明祀嚴車伊洛間受誓文昌
裏沉沉雲閣見稍稍城烏起曙色照衣冠虛庭烏
劍履徘徊念私覲悵望臨清汜點翰欲何言相思
從此始

夏日尋藍田唐丞登高宴集

東望春明門駕言聊出遊南行小徑盡綠竹臨清
流君出罷六安居此淡忘憂園林與城市閭井隨
人幽披顏闢衡闈置酒登崇丘山河臨咫尺宇宙
窮寸眸是時春載陽佳氣滿皇州宮殿碧雲裏鴛

鴛初命儔良辰方在茲志士安得休成名苟有地
何必東陵侯

田家即事答崔二東臯作

四首

玄鳥雙雙飛杏林初發花煦媮命僮僕可以樹桑
麻清旦理犁鋤日入未還家

有客山中至言傳故人訊蕩漾敷遠情飄飄吐清
韻猗歟春皋上無乃成秋興
念別求須臾忽至嚶鳴時策田燒故草初樹養新
枝所寓非幽深夢寐相追隨

依依親隴畝寂寂無鄰里不聞雞犬音日見和風起賴君遺揆藻憂來散能弭

敬酬陳掾親家翁秋夜有贈

大姬配胡公位乃三恪賓盛德百代祀斯言良不泯敬仲為齊卿當國名益震文舉登宰輔太丘榮縉紳武皇受瑤圖爵土封其新繁祉既驟集裔孫生賢臣特達踰珪璋節操方松筠雲漢一矯翼天池三振鱗曳裾朝赤墀酌醴侍紫宸大君錫車馬時復過平津言則廣台階道亦資天均清秋忽高

興震藻若有神曜曜趨宮廷泱泱邁徐陳鎬京既賜第門巷交朱輪方將襲伊皋永以崇夏殷宗黨無遠近敬恭依仁人雲盡宇宙暄雁歸滄海春沉吟白華頌帝闈降絲綸驛騎及蕪城相逢在郊野別離曠南北譴謫罹苦辛晝遊還荆吳迷方客咸秦惟賢惠重義男女期嘉姻梧桐生朝陽鷓鴣鳴蕭晨豈不畏時暮坎壈無與鄰中夜涼風來顧我闕音塵瓊瑤不遐棄寤寐如日新

蘇十三瞻登玉泉寺峰入寺中見贈作

信集 卷一
慶門疊華組盛列鍾英彥貞信發天姿文明叶邦
選為情貴深遠作德齊隱見別業在春山懷歸出
芳甸逖聽多時友招邀及浮賤朝沾灞水窮暮矚
藍田徧百花照阡陌萬木森鄉縣澗淨綠羅深巖
暄新鳥轉依然造筆簿豁爾開靈院淹留火禁辰
愉樂弦歌宴肅肅列樽俎鏘鏘引纓弁天籟激微
風陽光輒奔箭以茲小人腹不勝君子饌是日既
低迷中宵方眇眩枕上思獨往胸中理交戰碧雲
暗雨來舊原芳色變歡然自此絕心賞何由見鴻

濛已笑雲列缺仍揮電忽與去人遠俄逢歸者便
想像玉泉宮依稀明月殿峰巒若登陟水木以遊
衍息心幸自忘點翰仍留眷恨無荆文璧以答丹
青綯

酬李處士山中見贈

厥初遊太學相與極周旋含采共朝暮知言同古
先孟陽題劔閣子雲獻甘泉斯頃曠千里婉婉將
十年今來艷陽月好為鳴翩翩同轂既求友不肖
亦懷賢引領遲芳信果枉瑤華篇成頌非其德高

文徒自妍叢塵邈超越比興起孤絕始信郢中人
乃能歌白雲跋予非堂夜搖筆酬明哲綠竹動清
風層軒靜華月想像南山下恬然謝朝列猶恐鶻
鳩鳴坐看芳草歇邀以青松色同知白華潔永頌
登龍門相將持此節

同諸公秋日遊昆明池思古

僕人理車騎西出金光達蒼蒼白帝郊我將遊靈
池太陰連晦朔雨與天根違淒風披田原橫汙益
山陂農畷盡顛沛顧望稼穡悲皇靈惻群氓神改

張天維坤紀戮屏翳元綱扶逶迤迴塘清滄流大
曜懸金暉秋色浮渾沌清光隨漣漪豫章盡莓苔
柳杞成枯枝驟聞漢天子征彼西南夷伐棘開洪
淵秉旄訓我師震雲靈鼉鼓照水蛟龍旂銳士千
萬人猛氣如熊羆刑罰一以正干戈自有儀坐作
河漢傾進退樓船飛羽發鴻鴈落檜動芙蓉披我
葦三雲宮肅肅振旅歸惡德忽小醜器用窮地貲
上兵貴伐謀此道不能為吁哉蒸人苦始曰征伐
非穰穰軒轅朝耀德守方陞君臣日安閑遠近無

信集 卷一
怨思石鯨既贈燈女牛亦流離獮獺遊渚隅葭蘆
生派湄坎埽四十里填淤今已微江伯方翱翔天
吳亟往徠桑榆慘無色佇立暮霏霏老幼樵木還
賓從迴戰羈帝夢鮮魚索明月當報時

同諸公登慈息寺塔

金祠起真宇直上青雲垂地靜我亦閒登之秋清
時蒼蕪宜春苑片碧昆明池誰道天漢高逍遙方
在茲虛形賓太極携手行翠微雷雨傍杳冥鬼神
中躩踞靈變在倏忽莫能窮天涯剋上閭闔開履

下鴻雁飛宮室低邈迤羣山小參差俯仰宇宙空
庶隨了義歸崩劣非大厦久居亦以危

同諸公秋霽曲江俯見南山

天靜終南高俯映江水明有若蓬萊下淺深見澄
瀛羣峰懸中依石壁如瑤瓊魚龍隱蒼翠鳥獸遊
清冷菰蒲林下秋薜荔波中輕山曼浴蘭陟水若
居雲屏嵐氣浮渚宮孤光隨曜靈陰陰豫章館宛
宛百花亭大君及羣臣晏樂方嚶鳴吾黨二三子
蕭辰怡性情逍遙滄洲時乃在長安城

同諸公送李雲南伐蠻

昆明濱滇池蠢爾敢逆常天星耀鐵鑕吊彼西南
方冢宰統元戎太守齒軍行囊括千萬里矢謨在
廟堂耀耀金虎符一息到炎荒蒐兵自交趾爰舍
出瀘陽群山高嶄巖凌越如鳥翔封豕驟踰伏巨
象遙披攘迴溪深天淵揭厲踰舟梁玄武掃孤城
蛟龍除方良雷霆隨神兵礮礮動穹蒼斬伐若草
木繫縲同犬羊餘醜隱弭河啁啾亂行箴君子惡
薄險王師耻重傷廣車設且梁太白收先芒邊吏

靜縣道新書行紀綱劍關掉鞅歸武弁朝建章龍
樓加命服獬豸擁秋霜邦人頌靈旗側聽何洋洋
京觀在七德休哉我神皇

奉和韋判官獻侍郎叔除河東採訪使

天卿小冢宰道大名亦大醜正在權臣建旗千里
外楚山俯江漢汴水連譙沛兩持方伯珪再轉諸
侯蓋恬淡輕黜陟優游邈千載乾象變台衡群賢
盡交泰聿徠股肱郡河嶽即襟帶盛德滋冀方仁
風清汾澮四封盡高足相府輶車最超超青雲器

婉婉竹林會賤士敢知言成頌文明代燕雀依大
厦期之保貞悔

同生十三維哭殷遙

生理無不盡念君在中年遊道雖未深舉世莫能
賢筮士苦貧賤為客少田園膏腴不可求乃在許
西偏四鄰盡桑柘咫尺步開墻垣內艱未及虞形影
隨化遷茅茨俯苫蓋雙殯兩楹間時聞孤女號迥
出陌與阡慈烏亂飛鳴猛獸亦以踰故人王夫子
靜念無生篇哀樂久已絕聞之將泫然太陽蔽空

虛雨雲浮蒼山迢遞親靈視顧予悲絕絃處順與
安時及此乃空言

貽丁主簿仙芝別

赫赫明天子翹翹羣秀才昭昭皇宇廣隱隱雲門
開搖曳君初起聯翩予復來茲年不得意相命遊
靈臺驂騮多送氣琳琅有清響聯行擊水飛獨影
凌虛上闕河施芳聽江海徵新賞歛衽歸故山敷
言播天壤雲峰雖有異楚越幸相親既別復遊處
道深情更殷下愚忝聞見上德猶遭迤偃仰東城

信集
曲栖遲依水濱脫巾從會府結綬歸海裔親知送
河門邦族迎江蒞夫子安恬淡他人悵迢遞飛鯨
既耿然洲渚徒虧蔽人謀固無準天德諒難知高
名處下位送翮棲卑枝去去水中沚搖搖天一涯
蓬壺不可見來泛躍龍池

京口送別王四誼

江上楓林秋江中秋水流清晨惜分袂秋日尚同
舟落潮洗魚浦傾荷枕驛樓明年菊花熟洛東泛
觴遊

同房憲部應旋

衡山法王子惠見息諸苦落髮自南州燕居在西
土養正不因晦得中寧患旅曠然長虛閑即理寄
行補四句了自性一音亦非取橘柚故園枝隨人
植庭戶我地少安住念天時啟處憲卿文昌歸愉
悅來晤語車騎踐香草僕人沐花雨長風散繁雲
萬里靜天宇起滅信易覺清真知有所逍遙高殿
陰六月無炎暑微言發新偈粲粲如懸圃直心視
惠光在此大法鼓

奉別長史庾公大守徐公應召

烈風起江漢白浪忽如山方伯驟勤王杞人亦憂
 天艷鎬頃霾晦雲龍召我賢車騎非艱苦艫艦西
 泝泝水靈靜湍瀨猛獸趨後先龍樓開新陽萬里
 出雲間宇宙既焜耀崇德濟巨川受命在神宗振
 兵猶軒轅煌煌踰涿鹿穆穆更坤元明王朝太階
 遠邇望嘉言遊子淡何思江湖將永年

獄中貽姚張薛李鄭柳諸公

直道時莫親起羞見讒口與人是非怪西子言有

咎誣善不足悲失聽一何醜大來敢遐望小往且
 虛受中夜囹圄深初秋縲紲久踈螢出暗草朔風
 鳴衰柳河漢低在戶蠨蛸垂向牖雁聲遠天未涼
 氣生霽後負戶愁讀書劍光忿衝斗衰衰害神理
 惻惻傷慈母妻子垂涕泣家僮日奔走書詢苦人
 吏饋食勞交友寒服猶未成繁霜漸將厚吉凶問
 詹尹倚伏信非叟鬼哭知己冤烏言誠所誘諸公
 深惠愛朝夕相左右束濕雖欲操鈞金庶無負傷
 羅念搖翮踈足思驤首瑾瑜頗匿瑕邦國方含垢

眷言出深窅永日常携手

貽鼓吹李丞時信安王泚伐李公王之所罷者也

泚伐昧天造王師示有征轅門統元律帝室命宗
英靈威方首事仗鉞按邊城膏雨被春草黃雲浮
太清文儒託後乘武旅趨前旌出車發西洛營軍
臨泚平曰予深固陋志氣頗縱橫嘗思驃騎幟願
逐嫖姚兵惟賢美無度海內依揚轂河間舊相許
車騎日逢迎折節下謀士深心論客卿忠言雖未

列庶以知君誠

貽王侍御出臺掾丹陽

高高琅瑯臺臺下生箇輅照車十二乘光彩不足
諭既當少微星復隱高山霧金丘華陽下仙伯養
晦處茅茨對三峰梧桐開一路神溪繞皋陸樵牧
自成趣時登青冥遊若從天江度墟里獻薇蕨群
公致衣縷深沉復清淨偃仰視太素猛獸識賓僕
頽霞知早暮峨峨雲龍開忽有方伯遇達人無不
可壯志且馳驚融泄長雞鳴繽紛大鵬翮赤墀高

崩劣一見如三顧禮服正邦祀刑冠肅王度三辰
明昭代先啟玄元祚章臺收祀梓太液滿鵝鷺豐
澤耀純仁八方晏黔庶沉沉閭闔起殷殷蓬萊曙
旌戟儼成行雞人傳發煦羽翼一如鶚百辟莫不
懼清廟奉蒸嘗靈山扈鑾輅天街時蹴踔直指讌
桂桓四月純陽初雷雨始奮豫遂星敷皇極鐵鑽
靜天步艷鎬舒曜靈干戈戢武庫析擗增廣運直
道有好惡迴跡清憲臺傳騎東南去列城異疇昔
近饑寡徒御纏綿西関道婉孌新豐樹伊洛不敢

息淮河任汭沂鄉亭築筭津先後冰疏附炎時方
怵惕有若踐霜露惆悵長岑長寂寞梁王傳紛吾
家延州結友在童孺岑陽沐天德邦邑持民務躑
躑望朝陰如何復論誤牙曠三千里擊轅冰所慕
秋濤聯滄溟舟楫湊北固江汜日綿眇朝夕空寐
寤中洞松栝新東皋阡陌故餘輝方焜耀可以歡
邑聚南華在濠上誰辯魏王瓠登陟芙蓉樓為我
時一賦

貽劉高士別

夙駕出東城城傍早霞散初日照龍關峨峨在天
半壯哉麗百常美哉崇兩觀俯視趨朝客簪珮何
璀璨而我送將歸徘徊灞陵岸非雲去吳越南雁
離江漢伊昔蹈丘園翩翩理文翰高談閔仲叔逸
氣劉公幹每言竹柏貞嘗輕朝市玩山畫猿猶靜
溪曛魚鳥亂寧止卧崆峒直云期汗漫聖君既理
歷族士咸炳煥矯首來天池振羽泛漪瀾元淑命
不達伯鸞吟可嘆東去姑蘇臺乃過陟陽館舍轡
函關道浮舟滄海畔耳目曠暄涼懷抱盈悲惋沉
沉青歲晚靄靄秋雲換自言永道棲無復從羈絆
揮手謝知己知己莫能讚

山中貽崔六琪華

恍惚登高嶺徘徊看落日遙想仲長園如親幼安
室春渚芑蒲登山中撥穀鳴相思不道遠太息未
知情意君來此地時復踈林薄中夜掃閑門迎晨
閉菌閣徒履清池上家童奉信歸憂隨落花散目
送歸雲飛故交在天末新知復千里無人暫往來
獨作中林士

貽余處士

故園至新浦遙復未百里北望是他邦紛吾即遊
士潮來津門啟罷楫信流水客意乃成歡舟人亦
相喜遲遲菱荇上泛泛菰蒲裏漸聞商旅喧猶見
鳧鷖起市亭忽雲構方物如山峙吳王昔喪元隋
帝又滅祀停艫一以眺太息興亡理秋苑故池田
宮門新柳杞我行苦炎月乃及清昊始此地日逢
迎終思隱居子莫言異舒卷形音在心耳

劉先生閑居

高第後歸道乃居玉華宮逍遙人間世不異浮丘
公甘寢何秉羽出門忽從戎方將遊崑崙又欲小
崆峒進退既在我歸來長安中焚香東海君侍坐
西山童善行無轍迹吾亦安能窮但見神色閑中
心如虛空期之此天老真德輔帝鴻

京口題崇上人山亭

清旦歷香巖巖徑紆復直花林開宿霧遊目清霄
極分明窓戶中遠近山川色金沙童子戲香飯諸
天食叫叫海鴻聲軒軒江燕翼寄言清淨者問閻

徒自踣

朝色祭主簿期不會 二首

下位日趨走久之賓會踈空遲偶詞賦所愧比園
廬朝念池上酌暮逢林下書方將固封守暫欲混
畋漁衰柳隱長路秋雲滿太虛遙遙望左右日入
未迴車

日入清風至知君在西偏車輿既成列賓僕復能
賢迢遞下墟坂逍遙看井田蒼山起暮雨極浦援能
長煙服義大如志交歡數盡年寧言十餘里極浦

空來還

鞏城南河作寄徐三景暉

初年雨候遲鞏洛河流小搖搖芳草岸屢見春山
曉清露洗雲林輕波戲魚鳥唯言故人遠不念鄉
川眇舟楫去縈迴湍激行奔峭寄書千里路莫道
南鴻少

昭閭處士防卜居終南

春風搖雜樹言別還江沱堅氷生綠潭又容三千
里兆夢唯顏色懸情乃文史滌耳貴清言披歡遲

玉趾秦城疑舊廬仲立問焉如稚一跪而說還山
 將隱居竹林既深遠松宇復清虛跡迴事多返心
 安趣有餘石門動高韻草堂新著書騫飛久超絕
 蹇足空躊躇猶有昔時意望君當照車驅車當六
 國何以須潛默聖主常徵賢群公每舉德此時方
 獨徃身志將何欲願謝山中人迴車首歸躅

新豐作貽殷四校書

漢皇思舊邑秦地作新豐南出華陽路西分長樂
 宮安知天地久不與昔年同雞犬暮散合城池秋

霽空紛吾從此去望極咸陽中不見芸香閣徒思
 文雅雄

華陰作貽祖三詠

朝行敷水上暮出華山東高館宿初靜長亭秋轉
 空日餘久淪汨重此聞霜風析歷入溪樹颼颼
 夕鴻悽然望伊洛如見息陽宮舊職無高位新知
 盡固窮夫君獨輕舉遠近善文雄豈念千里駕崎
 嶇秦塞中

貽袁三拾遺謫作

信集
卷一
四六
傾蓋洛之濱依然心事親龍門何以峻曾是好詞
人珥筆朝文陛含章諷紫宸帝城多壯觀被服長
如春天子儉為德而能清約身公卿盡虛位天下
自趣塵如君物望美令德嚴何已高帝黜儒生文
皇謫才子朝廷非不盛譴謫良難恃路出大江陰
川行碧峰裏斯言徒自玷白玉豈為滓希嚴盡衆
人深識唯知己知已怨生離悠悠天一涯寸心因
夢斷孤憤為年移花滿芙蓉闕春深朝夕池空令
千萬里長望白雲垂

洛中貽朝校書衡朝即日本人也

萬國朝天中東隅道最長吾生美無度高駕仕春
坊出入蓬山裏逍遙伊水傍伯鸞遊太學中夜一
相望落日懸高殿秋風入洞房屢言相去遠不覺
生朝光

貽崔太祝

天都分禮閣肅肅臨清渠春山照前屏高槐蔭內
除惟賢尚廩祿弟去兄來居文雅更驤首風流信
有餘中年幸從事乃遇兩吹噓何以知君子交情

復淡如

貽王處士子文

春草生洞渚春風入上林春皋有黃雀撫翮未傷
音王屋嘗嘉遁伊川復陸沉張弦鷓鴣弄閉室蓬
蒿深避地歌三樂遊山賦九吟大君思左右無乃
化黃金

獻華陰羅丞別

華山薄遊者玄髮當青春道德同仙吏尊卑即丈
人縣城俯京路獲見官舍裏渣留瓊樹枝譎浪春
泉水昔余在天目總角春遊從寒暑遞來往今復
蓮花峰別情無遠近道別方愁予孰想古人言乃
知悲風雨

閑居

薄遊何所愧所愧有閑居親故不來往中園時讀
書步欄滴餘雲春塘抽新蒲梧桐漸覆井時鳥自
相呼悠然念故鄉乃在天一隅安得如浮雲來往
方須臾

送恂上人還吳

洛城大天邑洛水即天池君王既行幸法子復來
儀虛室香花滿清川楊柳垂乘閒道歸去遠意誰
能知

送周十一

秋風隕羣木衆草下嚴霜復問子何如自言之帝
鄉豈無親所愛將欲濟時康握手別征駕返悲岐
路長

七言古詩

新豐主人

新豐主人新酒熟舊客還歸舊堂宿滿酌香含北
砌花盈樽色泛南軒竹雲散天高秋月明東家少
女解秦箏醉來忘却巴陵道夢中疑是洛陽城

登戲馬臺作

君不見宋公仗鉞諫燕後英雄踴躍爭趨走小會
衣冠呂梁壑大徵甲卒礪礪口天門神武樹元勳
九日茱萸響六軍泛泛樓船遊極浦搖搖歌吹動
浮雲居人滿目市朝變霸業猶存齊楚甸泗水南
流桐栢川沂山北走瑯琊縣滄海沉沉晨霧開彭

儲集
城烈烈秋風來少年自古未得意日暮蕭條登古臺

貽從軍行

取勝小泚川來朝明光殿東平不足先夢出鳳林
間夢還滄海關萬里盡陰色豈為我離別馬上吹
笛起寒風道傍舞劍飛春雪男兒懸孤泚一日君
去成高節

酬李壺關奉使行縣憶諸公

青楓江上滄浪吟白月宮中鸚鵡林泚有淨清心

同道同房若斷金離居忽有雲山意清韻遙轉丹
檝事去時能憶竹園遊來時莫忘桃園記

薔薇

裊裊長數尋青青不作林一莖獨秀當庭心數枝
分作滿庭陰春日遲遲欲將半庭影離離正堪玩
枝上嬌鶯不畏人葉底飛蛾自相亂秦家女兒愛
芳菲畫眉相伴采葳蕤高處紅鬚欲就手低邊綠
刺已牽衣蒲萄架上朝光滿楊柳園中暝鳥飛連
袂踏歌從此去風吹香氣逐人歸

同張侍御宴北樓

今之太守古諸侯出入雙旌垂七旒朝覽干戈時
聽訟暮延賓客復登樓西山漠漠崦嵫色北渚沉
沉江漢流良宵清淨方高會繡服光輝聯皂蓋魚
龍恍惚堦墀下雲霧杳冥窓戶外水靈慷慨行泣
珠游女飄飄思解佩蒼蒼低月半遙城落落疎星
滿太清不忍開襟悲楚奏願言吹笛退胡兵軒后
青丘埋狹狹周王白羽掃穰搶期君武節朝龍闕
余亦翱翔歸玉京

五言律詩

臨江亭五詠

并序

建業為都舊矣晉主來此而禮物盡備雖云在德
亦云在險京口其地也嗚呼有邦國者有興亡焉
自晉及陳五世而滅以今懷古五篇為詠臨江亭
得其勝槩寄以興言雖未及乎辯士亦其志也
晉家南作帝京鎮北為關江水中分地城樓下帶
山金陵事已往青蓋理無還落日空亭上愁看龍

信集
卷一
五乙
尾灣

山橫小苑前路盡大江邊此地興王業無如宋主
賢潮生建業水風散廣陵煙直望清波裏祇言別
有天

城頭落暮暉城外搗秋衣江水青雲挹蘆花白雪
飛南州王氣疾東國海風微借問商歌客年年何
處歸

古木嘯寒禽層城帶夕陰梁園多綠柳楚岸盡楓
林山際空為險江流長自深平生何以恨天地本

無心

京山千里過孤憤望中來江勢將天合城門向水
開落霞明楚岸夕露濕吳臺去去無相識陳皇安
在哉

餞張七琚任宗城即環之季也同產八人俱
以才名知

他日曾遊魏魏家餘趾存可憐官殿所但見桑榆
繁此去拜新職為榮近故園高陽八才子况復在
君前

留別安慶李太守

明牧念行子又言悲解携初筵方落日醉止到鳴
雞過客來自北大軍居在西兵家如討逆敢以庶
盤溪

洛陽東門送別

東城別故人臘月遲芳辰不惜孤舟去其如兩地
春花明洛陽苑水綠小平津是日不相見鶯聲徒
自新

漢陽即事

楚國千里遠孰知方寸違春遊歡有客夕寢賦無
衣江水帶冰綠桃荅隨雨飛九歌有深意捐佩乃
言歸

泊江潭貽馬校書

明月掛青天遙遙如目前故人遊畫閣却望似雲
邊水宿依漁父歌聲好采蓮采蓮江上曲今夕為
君傳

送沈校書吳中搜書

郊外亭皋遠野中岐路分苑門臨渭水山翠雜春

雲秦閣多遺典吳臺訪闕文君王思校理莫滯清
江濱

寒夜江口泊舟

寒潮信未起出浦纜孤舟一夜苦風浪自然增旅
愁吳山遲海月楚火照江流欲有知音者異鄉誰
可求

苑外至龍興院作

朝遊天苑外忽見法筵開山勢當空出雲陰滿地
來疎鍾清月殿幽梵靜花臺日暮香林下飄飄仙

步迴

題虬上人房

禪宮分兩地傳子一為心入道無來去清言見古
今江寒池水綠山暝竹園深別有中天月遙遙散
夕陰

詠山泉

山中有流水借問不知名映地為天色飛空作雨
聲轉來深澗滿分出小池平恬澹無人見年年長
自清

貽主客呂郎中

上士既開天中朝為得賢青雲方羽翼畫省比神
僊委珮雲霄裏含香日月前君王儻借問客有上
林篇

京口留別徐大補闕趙二零陵

皇州月初曉處處鼓鐘喧樹出蓬萊殿城開閭闔
門近臣朝瑣闥詞客向文園獨有三川路空傷遊
子魂

答王十三維

門生故來往知歎命浮觴忽奉朝青閣回車入上
陽落花滿春水踈柳映新塘是日歸來暮勞君奏
雅章

奉和中書徐侍郎中書省玩白雲寄穎陽趙

大

青闕朝初退白雲遙在天非關取雷雨故歎伴神
僊泛艷鵝池曲飄飄瑣闥前猶多遠山意幸入侍
臣篇

和張太祝冬祭馬步

信集
卷一
故壇何肅肅中野自無喧烈火見陳信颺言聞永
存房星隱曙色朔風動寒原今日歌天馬冰關征
大宛

祭風伯壇應張太祝作

聖主御青春綸言命使臣將修風伯祀更福太平
人帶幕宵聯事壇場曉降神帝心矜動物非為屬
車人

尋徐山人遇馬舍人

泊舟伊川右正見野人歸日暮春山綠我心清且

微巖穀風雨度水氣雲霞飛復有金門客來參蘿
薛衣

夜觀妓

白雪宜新舞清宵召楚妃嬌童攬錦薦侍女整羅
衣花映垂鬟轉香迎步履飛徐徐歛長袖雙燭送
將歸

洛橋送別

河橋送客舟河水正安流遠見輕橈動遙憐故國
遊海禽逢早雁江月值新秋一聽南津曲分明散

別愁

秦中送人覲省

二月清江外遙遙餞故人
南山晴有雪東陌霽無塵
騎別章臺晚舟行洛水春
知君梁苑去日見白

華新

洛中送人還江東

洛城春雨霽相送下江鄉
樹綠天津道山明伊水陽
孤舟從此去客思一何長
直望清波裏唯餘落日光

送姚六崑客任會稽何大蹇任孟縣

越城臨渤海晉國在河汾
仙綬兩鄉意青郊一路分
野棠春未發田雀暮成群
他日思吳會嘗因西北雲

洛潭送人覲省

清洛帶芝田東流入大川
舟輕水復急別望杳如仙
細草生春岸明霞散早天
送君唯一曲當是白華篇

送人隨大夫和蕃

信集
卷一
西方有六國國國頭來賓聖主今無外懷柔遣使
臣大夫開幕府才子作行人解劔聊相送邊城二
月春

仲夏餞魏四河北覲叔

落日臨御溝送君還北州樹涼征馬去路暝歸人
愁吳嶽夏雲盡渭河秋水流東籬摘芳菊想見竹
林遊

送人尋裴斐

柱史迴清憲謫居臨漢川遲君千里駕方外賞雲

泉路斷因春水山深隔暝煙湘江見遊女寄摘一
枝蓮

隴頭水送別

相送隴山頭東西隴水流從來心膽盛今日為君
愁暗雲迷征路寒雲隱戍樓唯餘旌旆影相逐去
悠悠

送王上人還襄陽

朝看法雲散知有至人還送客臨伊水行車出故
關天花滿南國精舍在空山雖復時來去中心長

信集
卷一
日閑

官莊池觀競渡

落日吹簫管清池發棹歌船爭先後渡岸激去來
波水葉藏魚鳥林花間綺羅踟躕仙女處猶似望
天河

重寄虬上人

一作雲峰別三看花柳朝青山隔遠路明月空長
霄鵲浴西江雨雞鳴東海潮此情勞夢寐况道雙
林遙

張谷田舍

縣官清且儉深谷有人家一徑入寒竹小橋穿野
花碓喧春澗滿梯倚綠桑斜自說年來稔前村酒
可賒

五言排律

大酺得長字韻時任安宜尉

大道啟元命時人居太康中朝發玄澤下國被天
光明詔始端午初筵當履霜鼓鼙迎爽氣羽籥映
新陽太守即玄圃淮夷成葆疆小臣慙下位拜手

信集
頌靈長

同張侍御鼎和京兆蕭兵曹華歲晚南園
公府傳休沐私庭效陸沉方知從大隱非復在幽
林闕下忠貞志人間孝友心既將冠蓋雅仍與薜
蘿深寒變中園柳春歸上苑禽池涵青草色山帶
白雲陰潘岳閑居賦鍾期流水琴一經當自足何
用遺黃金

奉酬張五丈垂贈

綵服去江汜白華生大梁星辰動吳越
雁成新

行日望天朝近時憂郢路長情言間蒿軸惠念及
滄浪松栢以之茂江湖亦自忘賈生方吊屈豈敢
比南昌

秦中守歲

衆星已窮次青帝方行春永感易成戚離居難重
陳闔門守初夜燎火到清晨或念無生法多傷未
出塵廣庭日將晏虛室自為賓願以桑榆末常逢
甲子新

獻高使君大酺作

尚集 卷一
肅穆郊禋畢工歌賞事并三朝遵湛露一道洽仁
明布德言皆應無為物自成花添羅綺色鶯亂管
絃聲獨有同高唱空陪樂太平

榮陽馬氏二子

聖君封太嶽十月建行旃輦路開千里寒雲霽九
天故人多侍從二子留伊川河兌冰初合關城月
屢圓暝過榮水上聞說鄭卿賢材蔽行人右名居
東里先制巖開別業桑柘亦依然待至金園側相
將居一廛

觀競渡

大夫沉楚水千祀國人哀習棹江流長迎神雨霧
開標隨綠雲動船逐青波來下怖魚龍起上驚鳧
雁迴能令秋大有鼓吹遠相催

太學貽張筠

壁池忝門子俄頃夏炎涼綠竹深虛館清流響洞
房園林在建業新友云咸陽中夜鼓鐘靜初秋漏
刻長浮雲開太室華蓋上明堂空此遠相望勞歌
還自傷

七言律詩

田家即事

桑柘悠悠水蘸堤晚風晴景不妨犁高機猶織卧
蠶子下坂飢逢飼野妻杏色滿林羊酪熟麥涼浮
壠雉媒低生時樂死皆由命事在皇天志不迷

五言絕句

洛陽道五首獻呂四郎中

洛水春冰開洛城春水綠朝看大道上落花亂馬
足

劇孟不知名千金買寶劍出入平津邸自言嬌且
艷

大道直如髮春日佳氣多五陵貴公子雙雙鳴玉

珂

春風二月時道傍柳堪把上枝覆官閣下枝覆車

馬

洛水照千門千門碧空裏少年不得志走馬遊新

市

同武平一員外遊湖

竹吹留歌扇蓮香入舞衣前溪多曲溆乘興莫先歸

長安道 二首

鳴鞭過酒肆祛服遊倡門百萬一時盡含情無片言

西行一千里暝色生寒樹暗聞歌吹聲知是長安路

江南曲 四首

綠江染見底高浪直翻空慣是湖邊住舟輕不畏

風

逐流牽藕葉綠岸摘蘆苗為惜鴛鴦鳥輕輕動畫橈

日暮長江裏相邀歸渡頭落花如有意來去逐船流

隔江看樹色沿月聽歌聲不是長干住那從此路行

關山月

一鴈過連營繁霜覆古城胡笳在何處半夜起邊

信集
卷一
六三
聲

玉真公主山居

山北天泉死山西鳳女家不言沁園好獨隱武陵
花

滄浪峽

滄浪臨古道道上若成塵自有滄浪峽誰為無事
人

奉真觀

真門迥向北馳道直向西為與天光近雲色成虹

霓

七言絕句

明妃曲 四首

西行隴上泣胡天南向雲中指渭川毳幕夜來時
宛轉何由得似漢王邊

胡王知妾不勝悲樂府皆傳漢國辭朝來馬上箜
篋引稍似宮中閒夜時

日暮驚沙亂雲飛傍人相勸易羅衣強來前殿看
歌舞共待單于夜獵歸

彩騎雙雙引寶車
羌笛兩兩奏胡笳
若為別得橫橋路
莫隱宮中玉樹花

同武平一員外遊湖五首時武貶金壇令

紅荷碧篠夜相鮮
孔蓋蘭橈浮翠筵
舟中對舞邯鄲曲
月下雙彈盧女絃

青林碧嶼暗相期
綏楫揮觥賦詩借
問高歌凡幾轉
河低月落五更時

朝來仙閣聽絃歌
暝入花亭見綺羅
池邊命酒憐風月
浦口回船惜芰荷

矇籠竹影蔽巖扉
淡蕩荷風飄舞衣
舟尋綠水宵將半
月隱青林人未歸

花潭打嶼傍幽蹊
畫檝浮空入夜溪
芰荷覆水船難進
歌舞留人月易低

題茅山華陽洞

華陽洞口片雲飛
細雨濛濛欲濕衣
玉簫遍滿仙壇上
應是茅家兄弟歸

寄孫山人

新林二月孤舟還
水滿清江花滿山
借問故園隱

君子時時來往人間

儲光詩集終

